



«Mottakernavn»

«Adresse»

«Postnr» «Poststed»

«Kontakt»

Saksbehandlar, innvalstelefon

Maria Knagenhjelm, 5764 3137

Referat frå møte om marint vern Sognefjorden med kommunane Gulen, Hyllestad og Høyanger

Dato: 21.11.2024

Tid: kl. 12-13.15

Stad: Teams

Til stades:

Kjell Eide, Hyllestad kommune

May-Lynn Osland, Gulen kommune

Nils Inge Ynnesdal, Gulen kommune

Petter Sortland, Høyanger kommune

Geir Helge Østerbø, Høyanger kommune

Statsforvaltaren i Vestland: Kjell Kvingedal, Eline Orheim, Maria Knagenhjelm (referent)

Bakgrunnen for møtet var eit initiativ om dialog om det marine vernet, og grensene for eit potensielt verneområde, frå Petter Sortland på vegner av kommunane Høyanger, Gulen og Hyllestad.

Referat:

1. Status for verneprosessen no i november og vidare prosess, v/ Maria.

Presentasjon av regjeringsoppdraget som Statsforvaltaren har fått om vern av Sognefjorden og det unike i området. Litt om naturavtala og stortingsmeldingar som ramme. Introduksjon av heimesidene våre med oversikt over oppdraget, oppstartsmeldinga med ramma for verneprosessen, kunnskapsinnhentinga og stega vidare i prosessen. [Sognefjorden kandidat område for marint vern | Statsforvaltaren i Vestland](#) Bruk boksane til høgre for å sjå dei ulike etappane i prosessen.

Vi synta fram kva tema som er under utgreiing i konsekvensutgreiinga, og at KU'en er ferdig til 1. februar 2025. Statsforvaltaren er på tilbodssida for å kome og orientere i kommunane, og har så langt vore i Aurland, Årdal, Sogndal og Høyanger. Det vil vere viktig med lokal medverknad, gode og opne prosessar undervegs både med kommunane, grunneigarar og andre. Vernegrensa er ikkje sett,



og det er heller ikkje utarbeidd eit utkast til verneforskrift. Opning for nye møte og nye orienteringar når KU er ferdig. Det vil skje mykje i verneprosessen i 2025. Kva mogelegheiter vert opna i prosessen og vil kommunane ønskje lokal forvaltning?

2. Innspel og synspunkt frå kommunane

Gulen v/ May-Lynn Osland: Gulen kommune er med i ein interkommunal plan for sjøareala, der akvakulturnæringa sine behov for no er ivaretatt. Å sikre akvanæringa vidare vekstmoglegheiter er viktig for kommunen. Det er lett å vere skeptisk til marint vern frå første stund, men er positivt overraska etter introduksjonen om marint vern. Det er viktig å få svar på kva eit marint vern vil bety for kommunen, heilt konkret i form av reglar for tiltak og aktivitet, og kva mogelegheiter det også kan gje. Gulen kommunestyre skal ha møte den 13. februar 2025, og vil gjerne ha orientering om marint vern då. Kan det bli laga ei liste om kva som blir regulert av vern og ikkje? Då er det lettare å ta stilling til marint vern. Også spørsmål om eit eventuelt marint verneområde kan ha «hol» eller ikkje hengje saman.

Hyllestad v/Kjell Eide: Kommunen grensar i stor grad til Sognefjorden, er veldig knytt til fjorden, og er litt uroa for kva vernet kan bety. Har ikkje høyrte så mykje om det marine vernet frå før, men glad for påfyll i dette møtet. Ser i det store biletet at det blir veldig mange soner som avgrensar mogelegheitene for å kunne drive utvikling. Har stort verft med sikkert mykje forureining. Er klar over alt det dumpa krigsmateriellet, det er enorme mengder. Kommunen er avhengig av oppdrett: 3 lokalitetar, som må takast omsyn til. Bøfjorden: torskeyngel og utslepp frå verft. Fjorden kan bli endå meir viktig for turisme og fiske. Vil gjerne invitere Statsforvaltaren til kommunestyremøte etter jul, og kjem tilbake til dag og tid når det er fastsett.

Høyanger v/Petter Sortland og Geir Helge Østerbø. Takk for at de vil få til møte som dette. For Høyanger er akvanæringa viktig, det same er Hydro sin aktivitet. Kommunen møter nok av utfordringer allereie frå Statsforvaltaren i arealplan. Vil det bli vanskeligere å få til næring og utbygging med marint verneområde? Når akvanæringa skal bli grønar, til dømes med lukka merder osv, vil det vere mogeleg å få til dette i eit marint verneområde? Fjorden har fungert som næringsarena/transportåre og har vore berekraftig forvalta av kommunane til no, redd for at bygdene blir avfolka dersom det er for mykje vern. Ønsker at vernegrensa skal gå der grensa for nasjonal laksefjord går i dag.

3. Vidare arbeid i 2025

KU blir levert til Statsforvaltaren innan 1. februar 2025, og SF vil arbeide fram eit verneframlegg (forslag til vernekart og vernereglar) i løpet av 2025. Ein vesentleg del av arbeidet blir å møte kommunane. Det er neppe interessant å verne tett opp til industristader, kaier, infrastruktur og næring, og vi vil følge opp med fleire møte når vi får meir kunnskap om konsekvensane som eit marint vern vil kunne få på dei fastsette utgreiingstema. Året 2025 blir viktig og dialogen må fortsetje i dette og fleire forum. Det er viktig å sjå mogelegheitene i å kunne utløyse midlar frå nye budsjettpostar til til dømes opprydding av ureina botnsediment og skrot, lokalt tilsett statleg arbeidskraft, lokal forvaltning, nye kartleggingar, og så bortetter.

Presentasjonen ligg vedlagt, i tillegg til notatet om dumpingområde for krigsmateriell.



Vi takkar for eit godt møte.

Med helsing

Kjell Kvingedal
miljødirektør

Eline Orheim
seksjonsleiar naturmangfald

Dokumentet er elektronisk godkjent

Vedlegg:

- 1 Presentasjon, møte med Gulen_Høyanger_Hyllestad 21112024
- 2 Notat om dumpingområde fo krigsmateriell_ Sognefjorden

Kopi til:

may-lynn.osland@gulen.kommune.no
Geir Helge Østrebø
Kjell Eide
nils.inge.ynnesdal@gulen.kommune.no
Petter Sortland
Christian Hatlem Skår

Mottakerliste:

Gulen kommune	Eivindvikvegen 1119	5966	EIVINDVIK
Hyllestad kommune	Kommunehuset	6957	HYLLESTAD
Høyanger kommune	Postboks 159	6991	HØYANGER